

# Vitia e Kllokoti mbështeten nga organizata zvicerane “Helevtias Intercooperation”

VITI, KLLOKOT, 10 QERSHOR - Projekti Zvicër - Kosovë për qeverisje lokale dhe decentralizim, LOGOS, që implementohet nga “Helvetias Intercooperation”, po mbështet Vitinë dhe Kllokoti me projekte infrastrukturore. Sipas zyrtarëve komunalë të Komunës së Vitisë dhe të Kllokotit, këto dy komuna nga Qeveria zvicerane këtë vit kanë përfituar donacionet për meremetimin e shkollës fillore “Ndre Mjeda” në Kabash dhe ndërtimin e trotuarit në pjesën tjeter të rrugës së Kllokotit nga udhëkryqi i rrugës Ferizaj-Gjilan-Kllokot-Viti.

Kryetari i Komunës së Kllokotit, Sasha Mirkoviq, ka thënë se në bazë të marrëveshjes së bashkëpunimit mes Komunës së Kllokotit dhe “Helvetias Intercooperation”, në Kllokot do të rregullohet trotuari që është një projekt me vlerë prej rrëth 65 mijë eurosh, ku Qeveria zvicerane do të financojë 45 mijë euro, kurse Komuna nga të hyrat vetjake do të participojë me 20 mijë euro.

“Bashkëpunimi që ka Komuna e

Kllokotit me projektin LOGOS do të thotë shumë për qytetarët e kësaj komune, pasi krahas mbështetjes në ngritjen e kapaciteteve, Kllokoti përmes këtij partneritetit ka përfituar edhe projekte në investime kapitale që ndikojnë në përmirësimin e jetës së qytetarëve”, ka thënë Mirkoviq. Ai ka theksuar se rregullimi i trotuarit në Kllokot është projekt me interes të veçantë, pasi ndikon në përmirësimin e jetës së qytetarëve në këtë komunë. Ndërsa Islam Jashari, drejtëor komunal për buxhet në Viti, është shprehur se kjo komunë, krahas projektit përfasadimin e ndërtimesave publike që është në përfundim e sipër nga Qeveria zvicerane ka përfituar edhe projektin përenovimin e dritareve dhe dyerive të shkollës fillore “Ndre Mjeda” në Kabash. Ky projekt kap shumën rrëth 60 mijë euro dhe përmes tij do të rregullohet infrastruktura e shkollës së Kabashit, ku mësimet i vijojnë mbi 500 nxënës.

Ibrahim Sefedini

KOHA DITORE

11.06.2012